



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

II. Probatur ex Scriptura Sacramentum Confirmationis.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

Dialogo contra Luciferianos, crassissimum est mendacium. Nam in eo Dialogo solum explicat S. Hieronymus, quomodo dari dicitur Spiritus sanctus per manus impositione, cum etiam ante in Baptismo datus sit: sed neque Montanum, ne Tertullianum, neque sanctos Episcopos Cornelium, & Cyprianum nominat; tantum abest, ut eos refellat, ut mentitur Kemnitius. Neque ex eo, quod Hieronymus dicit, in Baptismo dari Spiritum sanctum, sequitur refutari sententiam Tertulliani, & Cypriani, qui dicunt dari in Confirmatione: alioquin Hieronymus refutasset etiam Lucam, qui ait, Acto. 8. Nodum enim in quenquam illorum venerat, sed baptizantur erant in nomine Domini Iesu. Tunc imponebant manus super illos, et accipiebant Spiritum sanctum. At nullos refutat Hieronymus: non enim negant Lucas, & alii, in Baptismo dari Spiritum sanctum, nisi in illa plenitudine, qua datur in Confirmatione.

## CAPUT SECUNDVM.

*Probatur ex Scriptura Sacramentum Confirmationis.*

**V**INQVE argumentis probandum est, Confirmationem esse Sacramentum verè, ac propriè dictum, ut Concilium Tridentinum docet, sess. 7. can. 1. de Confirmatione. PRIMO, ex Scripturis SECUNDO, ex traditione, & testimoniosis summorum Pontificum. TERTIO, ex testimoniosis Conciliorum. QUARTO, ex testimoniosis Patrum Græcorum. QUINTO, ex testimoniosis Latinorum.

Quod ad PRIMUM attinet: Tria requirantur ad essentiam Sacramenti Christiani propriè dicti. PRIMO, promissio gratiæ. SECUNDO, signum sensibile cum verbo, quod sit in medium, seu organum, quo applicetur promissio. TERTIO, mandatum diuinum, quo id iubatur ministrari. Hæc tria postulant sibi ostendi ex Scripturis in quæstione de Confirmatione, Calvinus lib. 4. Instit. cap. 19. §. 5. & Kemnitius in 2. part. Examinis, pag. 276. In hac quæstione, inquit Kemnitius, quæ sint illa media, per quæ credendum sit Spiritum sanctum velle efficacem esse; ante omnia petimus ex verbo Dei nobis monstrari, expreßum

expressum mandatum, & promissionem diuinam: quando enim illa habemus, tunc scimus mediū illū, ut potè diuinatus institutus, reverenter esse viendum: scimus etiam quid illū tribuendum sit. Hac ille. Itaque nihil aliud requirunt; & meritò: nam ad hæc reuocantur omnia; & omnium consensu Sacramentum est præpriè dictum, ybi hæc tria inueniuntur.

Ac promissio quidem, & certè amplissima habetur, Ioan. 14. vbi Dominus promittit Spiritum paracletum, qui confortetur in omnibus aduersis. Item cap. 15. vbi promittit eundem Spiritum sanctum, qui faciat discipulos fortis, atque intrepidos in testificatione veritatis: Et cap. 16. vt arguat mundum de peccato, de iustitia, & de iudicio, id est, qui det robur Apostolis ad arguendam infidelitatem hominum, & testificandam Christi iustitiam, & annunciatum Principem huius mundi iam esse iudicatum. Item Luc. vlt. Sedete in ciuitate, donec in diuamini virtute ex alto. Denique Acto. 1. Accipietū virtutem superuenientiū Spiritus sancti in vos, & eritis mihi testes, &c. Hanc certè diuinam esse promissionem, & in Scripturis haberi, & ea promitti hominibus iam baptizatis, & iustis gratia ampliorem Spiritus sancti, qua fiant fortis in confessione fidei, nullo modo negari potest.

Iam verò medium, seu organum, seu signum sensibile con-  
stant ex ictibus, & verbis, quibus applicetur illa promissio, fuit  
manus impositio cum oratione. Nam Apostoli quidem singulari miraculo, & beneficio receperunt illam gratiam promissam sine ullo medio, seu Sacramento in die Pentecostes, vt notum est ex Act. 2. At verò ceteri recipiebant illam eandem gratiam ministerio Apostolorum per illud medium, vt patet Acto. 8. Tunc imponebant manum super illos, & accipiebant Spiritum sanctum; & antea dixerat illos venisse, vt orarent. Idem habetur Acto. 19. Et quod hoc medium sit mediū, quo applicatur promissio facta de mittendo Spiritus sancto, patet ex effectu: nam cuiuscunque baptizato Apostoli manus imponebant, veniebat super eum Spiritus sanctus. Denique quod istud donū, quod dabatur tunc omnibus baptizatis per manus impositionem, fuerit illud ipsum, quod promissum fuit Apostolis, patet ex testimonio S. Petri, qui Acto. 2. concionabatur populo, & promittebat idem donum, quod ipse acceperat, si crederent, & baptizarentur: & allegabat Iohannem, qui prædix-

rat

rat donum illud effundendum, non super Apostolos tantum, sed super omnem carnem Idem etiam Petrus Auctor. ut testatur, Cornelium, & eius comites accepisse idem donum, quod acceperunt Apostoli in Pentecoste: *Nihil, inquit, discrevit inter nos et illos*, & tamen Scriptura nulquam in eminit alterius medijs, seu signi sensibilis, quo datetur donum illud, nisi manus impositionis cum oratione.

Restat mandatum. Sed pro mandato damus illis mandati exequutionem. Nunquam enim Apostoli ita ordinari, & kure imposuissent omnibus baptizatis manus, ut veniret super eos Spiritus sanctus, nisi Dominus hoc eis mandassem. Quemadmodum etiam hic in terra cum famulus aliquid agit, quod non potest nisi iussu Domini, & non est scutus; omnes intelligunt, eum habere mandatum, etiamsi non dicat habere mandatum; ut si lictores capiant magnum aliquem numerum in medio foro, aut si viatores indicant lenatoribus taliter habendum senatum, &c. Fuisse autem ritum illum ordinatum, & communem omnibus baptizatis, patet ex cap. 8. & 19. Auctor. & ex epistola ad Hebr. cap. 6. Itaque ipse etiam Calvinus cum lib. 4. Institut. cap. 19. §. 5. postulasset mandatum sibi ostendi, respondet ipse sibi nomine Catholicorum, §. 6. Tueritur, inquit, se quidem Apostolorum exemplo, quos nihil temere fecisse existimant; ac responsionem admittens, ait: *Id amicis; nec a nobis reprehenderentur, si se Apostolorum imitatores offendarent*, &c.

Nunc videndum est, quid ad hoc argumentum respondeat aduersarij. PRIMUS solutio est Caluinii loco citato; quod illa manus impositionis non fuerit Sacramentum, sed quaedam oblationis baptizatorum Deo: solebant enim per manus impositionem offerre Deo, quos baptizauerant.

AT hæc solutio facile refellitur. Nam IN PRIMIS id Calvinus tantum dicit, sed nec probat, nec potest probare vel testimonia, nisi sua ipsius auctoritate. Sic enim ait: *Huius manus impositionis non altius subesse mysterium cogito, sed huiusmodi ceremoniam ab illis adhibitam interpretor, ut ipso gestu significantem se Deo commendare, & velut offerre eum, cui manus imponebant*. DEINDE Scriptura dicit, quod ad illam manus impositionem, sequebatur continuo effusio doni misericordis; immò etiam afferit Scriptura, per illam impositionem manus.

manuum datum spiritum sanctum, Act. 8. sicut dicit Tit. 3. per lauacrum regenerationis saluos nos fieri. Ut igitur lauacrum non est simplex oblatio, sed mysterium conferens gratiam; ita etiam impositio manus. Praeterea offerre Deo baptizatum, non est aliquid maius, quam baptizare, præsertim secundum Calvinum, qui dicit nihil subesse mysterij in hac cæremonia: ergo poterant offerre illi ipsi, qui baptizauerant. At Scriptura contrarium docet. Nam Act. 8. Philippus baptizat, & tamen non potest imponere manus, sed veniunt ad hoc faciendum Petrus & Ioannes. Et Act. 19. Paulo præsente baptizantur duodecim viri, & non exprimitur a quo, quia quilibet poterat id facere: at baptizatis Paulus ipse manus imponit. Denique quid opus erat noua oblatione, cum ipso, quod quis baptizatur, offerat se Deo, eiusque legibus, & obsequio se subiiciat?

**S E C V N D A** solutio est eiusdem Caluini ibidem, & Brentij in Confess. Wittenberg. cap. de Confirmatione, qui dicunt, Deum initio nascentis Ecclesie per manus Apostolorum dedisse fidelibus dona quædam visibilia Spiritus sancti, ut donum linguarum, donum miraculorum, & similia; ex quo sequitur illam impositionem manuum non fuisse Sacramentum, quia non dabat gratiam iustificationis. Et confirmant ex similibus; nam umbra Petri curabantur homines, Actorum 5 & per sudarium Pauli Act. 19. & tamen non facimus inde Sacra menta.

**S E D** hæc etiam solutio facile reiici potest. Nam quod dicunt, illam impositionem manuum non dedisse nisi dona quædam loquendi linguis, & miraculorum; falsum est. Nam in primis dona illa gratis data non dicuntur in Scriptura simpliciter Spiritus sanctus, nec dicitur Spiritus sanctus habitare in eo, in quo non sunt nisi illa dona; quin potius est contrario. Spiritus sanctus effugiet secum, nec habitabit in corpore subditu peccatis. Sapient. 1. dona autem illa gratis data, etiam in peccatoribus interdum inueniuntur; ut patet Matth. 7. At per manus impositionem Apostolorum dabatur ipse Spiritus sanctus Act. 8. & 19. non igitur solum dona illa gratis data. **S E C V N D O** Id dabatur per manus impositionem, quod promiserat Dominus Ioannis 14. 15. 16. & Lucae ultimo, ut supra ostendimus. At quod promisit Dominus, non erat donum, lingua-

156 Cap. II. De Sacramento Confirmat. Lib II.

linguarum, aut curationum ( id enim fuit additamentum quoddam ) sed gratia roborans, & confirmans in fide. T E R T I O . Dona illa non erant communia omnibus, vt pacet ex Rom. 12. & I. Corinth. 12. Nunquid omnes prophetantur? Nunquid omnes loquuntur linguis? At Spiritus sanctus permanens impositionem dabatur omnibus, vt aperte colligitur ex loco notatis Actorum 8. & 19. Q U A R T O . Apostolus Hebreos 6. numerat impositionem manus cum Baptismo, cum fide, cum poenitentia, cum aliis rebus, quae pertinent ad salutem, immo etiam ad fundamenta religionis, vt ibidem Apostolus dicit. At certè loqui linguis, & prophetare, non pertinet ad salutem, multò minus fundamenta religionis. Q V I N T O . Si nihil aliud conferebat Spiritus sanctus datus per manus impositionem, nisi dona illa miraculorum ; certè nunquam Apostoli primarij Petrus, & Ioannes ex Hierusalem in Samaram descendissent, vt manus imponerent. Nam satis multa miracula operabatur Philippus in Samaria, vt non essent ibi necessarij alij, qui miracula facerent. S E X T O . Idem ostendunt exempla, quae aduersarij proferunt de umbra Petri, & fiducia Pauli; nusquam enim legimus per ea instrumenta datum esse Spiritum sanctum, sed solum temporalet fons tatem.

T E R T I A solutio est ea, quam attingit quidem loco citato Caluinus, sed latius eam persequitur Kemnitius, pag. 190. In Apostolis priuilegium singulare fuit, vt Spiritum sanctum darent per manus impositionem : habuerunt enim illi peculiare mandatum, & promissionem de hac re. At nos non habemus eiusmodi mandatum, & promissionem ; igitur temere imitari conamur. Confirmatur argumentum ex evento. Nam ad eorum manus impositionem sequebatur effectus ; ad nostram nihil sequitur ; etiamsi enim quis millies manus imponat, non descendant linguae ignea. Cessavit igitur donum illud : proinde oculosa, & inanis cæmeronia remansit.

H A E C quoque solutio facile reiici potest. Nam IN PRIMIS non ostendent aduersarij, ubi mandauerit Dominus Apostolis, vt manus imponerent ad Spiritum sanctum recipientem. Legimus quidem Marci vlt. Super ergo manus imponent, & bene habebunt, sed illa dicuntur omnibus fiducibus, non

non autem solis Apostolis: *Signa*, inquit, *eos qui crediderint*,  
*hæc sequentur, &c.* & præterea ista est impositio manus ad  
 morbos pellendos, non ad Spiritum aduocandum. Legimus  
 item Ananiam Actor. 9. accepisse mandatum, ut Paulo ma-  
 nus imponeret; quem locum perperam Caluinus exponit de  
 manus impositione, de qua nunc agimus, cùm in Antidoto  
 Concilij Tridentini, sess. 7. can. 3. de Confirmatione, tūm in  
 Instit. lib. 4. cap. 19. §. 10. Sed is locus nihil facit ad rem. Nam  
 illa impositio manus fuit curatua ad depellendam cæcitatem  
 corporalem, non ad dandum Spiritum sanctum: vnde etiam  
 ante Baptismum facta est. SECUNDUM, neque ostendent  
 Apostolis usquam factam esse promissionem, ut cui manus  
 imponerent, daretur Spiritus sanctus. Promisit quidem Apo-  
 stolis Dominus Spiritum sanctum, quem & acceperunt in die  
 Pentecostes: at ut ipsi aliis darent, nusquam legimus; & tamen  
 dabant, & quidem ordinariè. Non igitur requirebatur pecu-  
 liaris promissio. TERTIO, promissio generalis est non so-  
 lis Apostolis, sed toti Ecclesiæ facta; igitur, & cæremonia, qua  
 applicatur promissio, generalis esse debet, & perpetua. Pro-  
 batur antecedens. Nam etiam si Dominus Apostolos alloque-  
 batur, cùm promittebat Spiritum sanctum, tamen in eis Ec-  
 clesiæ totam alloquebatur, vt ait S. Leo, serm. 9. de Qua-  
 dragesima: *Tota, inquit, Ecclesia salutare suum in iis qui ad-*  
*erant, uniuersaliter audiebat.* Vnde etiam Dominus ait Matth.  
 vlt. *Vobis cum omnibus diebus, usque ad mundi consum-*  
*mationem.* Vbi alloquitur eos, qui erant omnes morituri in-  
 tra centum annos, & tamen dicit se cum eis semper futurum,  
 quia nimis, & ipsi semper erunt in posteris suis. Item ex eo,  
 quod ait Luc. 22. *Hoc facite in meam cōmemorationem;* quod  
 certè ad alios etiam pertinet, qui Apostoli non erant. Vnde  
 beatus Petrus, qui eas promissiones rectissimè intelligebat  
 Actor. 3. omnibus pollicebatur Spiritum sanctum, si crede-  
 rent, & baptizarentur; & allegabat vaticinium Iohannis: *Effun-*  
*dam de Spiritu meo super omnem carnem.* ACCEDIT etiam  
 ratio evidens. Nam causa, cur Deus promisit, & dedit Spi-  
 ritum sanctum, non minus locum habet in nobis, quam in A-  
 postolis; siquidem omni tempore egent fideles virtute Spi-  
 ritus sancti ad resistendum in persecutione & confienda fi-  
 de. Neque Dominus prouidere potuit, aut voluit Ecclesiæ suæ

ad

ad annos decem, aut viginti, & non perpetuo, quando illa aetate  
xilio indigeret.

SED respondet Kemnitius, promissionem quidem esse generalē, sed organum, quo illa applicatur, non esse iam impositionem manus, sed alia instrumenta, nimirū Baptismum, & Eucharistiam. AT QVI hoc est temerē, & pro arbitrio, immo etiam contra verbum Dei fingere organa, quibus applicatur diuinæ promissiones. Nam si Baptismus, & Eucharistia applicant promissionem prædictam, cur Apostoli vtebant manus impositione? deerant fortasse illis Baptismus, & Eucharistia? DEINDE Apostoli ante Christi passionem baptizati fuerant, & Eucharistiam sumpserant, & tamen post illa omnia promittitur eis Spiritus sanctus. Non igitur acceperant hoc donum, nimirum in ea plenitudine, quæ danda erat in Sacramento Confirmationis, per Baptismum, & Eucharistiam. P R A E T E R E A Ctor. 8 Samaritanib[us] baptizati erant, & tandem Lucas disertis verbis dicit, Spiritum non venisse in quēquam illorum, nisi post manus impositionem Apostolorum DENE. Q V E cūm ipsa Scriptura tam aperte doceat, medium ad recipiendum hoc donum esse manus impositionem; quantitas meritis est hoc medium reiicere, & alia configere?

AT, inquit, cessavit effectus ille, qui sequebatur ad impositionem manus. R E S P O N D E O; Cessavit quoad visibilia symbola, non quoad inuisibilem gratiam. Nam posse dari causam inuisibiliter Spiritum sanctum, constat ex facto Domini Ioan. 20. vbi insufflavit, & dixit: Accipite Spiritum sanctum; debuisse autem dari semper, saltem inuisibiliter, paulo ante probatum est. Fuit autem causa rationabilis, quare tunc daretur visibiliter, nunc solū inuisibiliter; quia initio Ecclesiae ad fidem plantandam, & nutriendam, eiusmodi miracula necessaria erant. Vnde A V G U S T I N U S, lib. 3. de Baptismo, cap. 16. Neque enim temporalibus, inquit, & sensibili[m] miraculus attestantibus, per manus impositionem, modò datur Spiritus sanctus, sicut antea— dabatur ad commendationem rudi fidei, & Ecclesiæ primordia dilatanda. Quoniam nunc hoc exspectat, ut q[uod] quibus manus ad accipendum Spiritum sanctum imponitur, repente incipiant loqui linguis? Sed inuisibiliter, & latenter intelligitur per vinculum pacis eorum cordibus diuina charitas inspirari. Deni-

Denique idem patet ex similibus. Nam initio Ecclesiaz, qui credebant, operabantur miracula iuxta illud Marci ultimo: *Signa, eos, qui crediderint, haec sequentur; super agros manus imponent, et bene habebunt.* Nunc cessavit iste effectus fidei. Nec tamen est fides otiosa, & inanis, quia habet effectum suum principalem, qui est viuificare: *Iustus enim ex fidere vivit.* Hebr. 10. Vide Gregorium in homilia Euangelij Ascensionis. Par ratione in principio Ecclesiaz puniebantur peccatores visibilibus penitentia, ut patet de Anania, & Sapphira, Act. 5, de Elima Mago Act. 13, de iis, qui indignè communicabant, 1. Corinth. II. At num hoc tempore, quia non puniuntur ista peccata visibilibus penitentia, ideo impunita manebunt, & non saltem inuisibiliter punientur, & hic, & in alia vita? Ita igitur & in bonis.

**Q**U A R T A solutio est Kemnitij, pag. 291 totum locum Act. 8. 19. nihil pro nobis facere, cum nos impositionem manus reiecerimus, & in eius locum unctionem Chrismatis subiecemos.

Hæc solutio nulla est. Nam ut omittas, quæ infra de Christate dicenda sunt, falsum est, reiectam esse manus impositionem. Bis enim Episcopus manus imponit confirmandis, ut ex Pontificali Romano intelligi potest, semel cum supereos manus extendit, atque orat: & rursum cum signat in frōte: atque unctionis ipsa enim unctionio, & signatio cum manu fiat, manus impositionis rectissimè dicitur, ut docet Hugo libro 2. de Sacramentis, pag. 7. capite. 2. Vnde etiam Marc. 7. cum postulas quidam, ut Dominus manus imponeret lunatico, ille id fecit, nam digito tetigit linguam, & aures eius.

### CAPUT TERTIVM.

#### Probatur veritas testimonii summorum Pontificum.

**N**UNC secundò probanda est veritas ex veterum, & sanctorum Pontificum responsis. Adferemus autem testimonia, quæ non quidem disertis verbis affirmant Confirmationem esse Sacramentum (id enim neque necessarium est, & facile posset detorqueri ad significandum)